

## Izohlar, hisob-kitoblar va tushuntirishlarda taqdim etiladigan axborotlar

80. Sub'yekt tushuntirishlarda quyidagilarni yoritib berishga majbur:

80.1. Aksiyadorlik kapitalining har bir toifasi bo'yicha:

80.1.1. E'lon qilingan aksiyalar soni;

80.1.2. Chiqarilgan, haqi to'la to'langan, chiqarilgan, lekin haqi to'la to'lanmagan aksiyalar soni;

80.1.3. Aksiyalarning nominal qiymati;

80.1.4. Yilning boshida va oxirida haqi to'lanmagan aksiyalar sonining kamayishi;

80.1.5. Aksiyadorlik kapitalining har bir toifasiga taalluqli huquqlar, afzalliklar va cheklashlar, shu jumladan dividendlarni taqsimlash va kapitalni qoplashga doir cheklash;

80.1.6. Jamiyatning o'ziga, xo'jalik yurituvchi sub'yektga qarashli sho'ba va uyushgan jamiyatlariga tegishli aksiyalar;

80.1.7. Opsion va savdo kontrakti bo'yicha emissiya uchun zaxiraga ajratilgan aksiyalar, shu jumladan ularning muddatlari va miqdorlari.

80.2. Xususiy kapitaldagi zaxiralar mohiyati va maqsadlari bayoni.

80.3. Majburiyatlarda aksiyadorlar (ta'sischilar, ishtirokchilar) yig'ilishida rasman ma'qullanmagan dividendlarni (daromad) to'lash uchun summalarining mavjudligi.

81. Sub'yekt xususiy kapitaldagi o'zgarishlarni aks ettirishi lozim va bunda quyidagilarni alohida ko'rsatishi zarur:

81.1. Davr boshida va hisobot sanasida jamg'arilgan foyda yoki zararlarning qoldig'i hamda shu davrda yuz bergan muhim o'zgarishlar, jumladan davr uchun sof foyda va aksiyadorlar (ta'sischilar, ishtirokchilar) har bir toifasiga taqsimlanashi;

81.2. Xususiy kapital va rezervlarni har bir toifasining joriy summasini davrning boshi va oxirida o'zgarishlarning miqdori.